

Årsmelding 2015



Foto:Trond Husebø

for Ølen sokn
av
Den norske Kyrkje

1. Innleiing

Ølen sokn er ein del av Vindafjord fellesområde og høyrer til Haugaland prosti, Stavanger Bispedømme.

Den norske kyrkja har hatt overordna visjon ”I Kristus- nær livet”, der vi er sendt av den treeinige Gud for å dela evangeliet i ord og handling. Vi har i 2015 hatt følgjande satsingsområde:

- **Diakoni** med fokus på fellesskap og rett til åndeleg liv for alle
- **Gudsteneste** prega av lokal forankring, involvering og fleksibilitet
- **Barn og unge** gjennom systematisk trusopplæring og inkludering
- **Kultur** ved å la skapande evner koma i funksjon

Dette vil vi oppnå ved å:

- *Bera fram den kristne budskapet gjennom forkynning, forvaltning av sakramenta, kyrkjelege handlingar, undervisning og diakoni.*
- *Vere ein aktiv bidragsytar til ei positiv samfunnsbygging i Vindafjord kommune.*
- *Vere ei folkekyrkje som er synleg og viktig i lokalmiljøet.*

Felles visjon i kyrkjelyden er: ”Levande Kristustru - inkluderande fellesskap”
Saman vil vi byggja fellesskap der Guds storverk vert forkynt, menneske møter Jesus og blir utfordra til teneste.”

Vi ynskjer med denne årsmeldinga å vise mangfaldet i arbeidet i soknet. Denne synleggjeringa håpar vi kan inspirere til forbøn for arbeidet og dei utfordringane som ligg føre oss. Soknerådet ynskjer framleis å trekke med seg fleire i arbeidet.

2. Soknerådet

2.1 Samansetjing av soknerådet 2015

Leiar: Liv Ingunn Heie Medhaug

Nestleiar/Skrivar: Per Ølfarnes

Fellesrådsmedlem: Leiv Karsten Medhaug med vararepresentant Per Ølfarnes

Gudstenesteliv: Bjørg Østvold

Barn og unge: Ellen Marie Hundhammer (Konfirmantane, KN-aksjonen)
Helge Stautland (Trusopplæringsutval, FUT)

Diakoni: Sølvi Eide Lunde og Sigrid Henriksen

Representant i styret for Kyrkjetunet: Per Ølfarnes

Sokneprest Johannes Nedrelid er fast representant i Ølen sokneråd.

Varamedlemmer:

Gunnvor Hundhammer, Aud Torill Ørke, Øyvind Berge, Bjørn Asgeir Lunde
Ellen Ivesdal.

Det var val til nytt sokneråd 14.september 2015

Det nye soknerådet overtok 1.november 2015 og fekk denne samansetjinga og arbeidsfordelinga:

Leiar: Per Ølfarnes

Nestleiar/Skrivar: Agnar Naustdal

Fellesrådsmedlemmer: Leiv Karsten Medhaug og Odd Johannes Lien med vararepresentanter Olav Granberg og Helene Paulsen.

Gudstenesteliv: Aud Wenche Klungland, Ølen, og Helene Paulsen, Bjoa.

Barn og unge: Siri Djuve

Diakoni: Olav Granberg.

Økonomi: Olav Granberg.

Representant i styret for Kyrkjetunet: Per Ølfarnes.

Sokneprest Johannes Nedrelid er fast representant i Ølen sokneråd.

Varamedlemmer:

Aina Lunde, Øyvind Berge, Arnfinn Vølstad, Magnus Rydland.

2.2. Møte og saker i soknerådet

I løpet av 2015 har Ølen sokneråd handsama 62 saker fordelt på 8 møte. Kyrkjelyden sitt årsmøte var 9.mars før gudstenesta. Gjennomgåande saker har vore:

- Diakoni og gudstenesteliv
- Trusopplæring, med fokus på fasearbeidet
- Konfirmantarbeidet
- Soknestruktur i Vindafjord

Utval og representasjon vald av soknerådet

Kyrkjelydsbladet "Hyrdingen": Arne Borgemyr var med i redaksjonen, men har no flytta frå kommunen. Me seier takk for innsatsen.

Vindafjord kyrkjeleg fellesråd: Leiv Karsten Medhaug. *Vararepresentant:* Per Ølfarnes

Trusopplæringsutvalet: Helge Stautland, Yngvild Lunde Carnerö og Liv Herborg Wold (slutta).

Kontakt for Bibelselskapet: Liv Ingunn Heie Medhaug

Pilgrimsarbeid i prostiet: Ingerid Aadland (Fellesrådet sin representant)

Frivillig arbeid på soknerådet sine mange arrangement

Det blir lagt ned mykje godt frivillig arbeid av mange i kyrkjelyden. Blant anna i samband med gudstenester, diakoniarbeid, konfirmantarbeid, kyrkjekaffi, fasteaksjonen, pynting av kyrkjerommet til jul, forbøn m.m. Takk til alle for trufast teneste!

3. Tilsette

Kyrkjelege tilsette med arbeid i vårt sokn i 2015 har vore:

Sokneprest: Johannes Nedrelid

Kantorar: Nelly og Juri Kotkovitch

Kyrkjeverje: Inghart Lasse Tveit

Klokkar: Frivillig teneste

Kyrkjetenar: Aina Lunde.

Kateket: Britt Karstensen, 50% stilling i Vindafjord fellesområde (Fellesrådet) og har i tillegg 30% stilling i regi av FUT (innsamla midlar, ofringar).

Kontorassistent: Tove Standal Vaka, ca 20% stilling

Frivillige arbeidarar som har vore medarbeidarar i gudstenester gjennom 2015:

Klokkarar: Siv Heidi Eidsheim, Bjørg Borgemyr, Oskar Feed, Lars Dalen, Liv Ingunn Heie Medhaug, Ole Agnar Aadland, Helge Stautland, Per Ølfarnes, Margot Ivesdal. Vikar: Leiv Karsten Medhaug

Kyrkjevertar: Gunnvor Feed, Solveig og Torstein Haugen, Anne Line Granberg, Hanne Jorunn Aasen Risøy, Mette Tofte, Gunnvor Hundhammer, Berit Ølfarnes, Anne Karine Stautland, Helge Stautland.

4. Kyrkjeleg arbeid og samarbeid i soknet

4.1. Gudstenesta

Gudstenestesamlingane er fine og mange har god oppslutnad. Gudstenesta er felles for alt kristent arbeid i soknet. Det er viktig å ta vare på dette fellesskapet og utvikla det vidare.

Litt statistikk

	2005	2006	2007	2008	2009	2010	2011	2012	2013	2014	2015
Hovudgudstenester på søn- og heilagdag	25	26	24	24	26	28	32	36	37	35	36
Tal på gudstenestedeltakarar	3616	3751	3525	3151	3071	3601	3295	3417	3650	3469	3290
Tal andre gudstenester/møte	5	7	6	6	6	6	6	8	8	2	2
Tal på gudstenestedeltakarar	716	815	634	567	680	532	624	599	469	262	282
Gudstenester med nattverd	11	12	9	10	10	11	19	20	27	23	22
Tal på nattverdgjester	514	621	367	397	351	501	799	735	1152	867	956

Dåp og konfirmasjon

4.2.1 Dåpsarbeidet er viktig i soknet. Dette året vart det døypt 13 born; 13 med adresse i soknet. I samband med dåp har presten samtalar med dåpsforeldre og denne kontakten vert oppretthalden med helsingar på dåpsdag, ved innbyding til kyrkjevandring og utdeling av 4-årsbok og utdeling av Bibel til 5.klassingar.

4.2.2 Fasearbeidet gjennom året.

Babysong: 19 deltakarar frå Ølen sokn

4-årsfasen. Samling på laurdagen og gudsteneste med utdeling av «Bibelen for dei små» på søndagen. Av 27 døypte var 22 med på opplegget.

1.klassingar: 13 deltakarar var med på skattejakta. Tre 1,5t samlingar på kvardagar og gudsteneste.

5.klassingar (2004) Vinterleir på Stemnestaden i samarbeid med Bjoa, Sandeid, Vikedal og Imsland

5.klassingar (2005) «Lys vaken»: 13 deltakarar av 16 døypte.

- 4.2.3 Borna skal kjenna seg heime i gudstenesta og kyrkja. Barnekroken vert flittig brukt av borna. Som del av gudstenesta med barn tilstades, vert ofte "Songkort" og barnesongar nytta.
- 4.2.4 Konfirmantarbeidet har god oppslutnad. Det var 30 konfirmantar i soknet, med konfirmasjonsgudsteneste laurdag og søndag. Ungdomstida er ei viktig tid for vegval for resten av livet. Såleis er konfirmanttida ei særst viktig tid for utvikling av den kristne trua og det kristne livet. Det er difor viktig at alle tar del i dette viktige arbeidet med forbøn. Soknerådet prioriterer arbeidet blant konfirmantar med samling ved oppstart i september, konfirmantfest, konfirmantleir og konfirmantgrupper. Konfirmantane har ansvar for innsamlingsaksjonen til Kirkens Nødhjelp før påske, i samarbeid med soknerådet. Konfirmantane gjer også tenesteoppgåver i gudstenester gjennom konfirmanttida. Konfirmantane vert invitert på ungdomsgudsteneste haust og vår. Ungdommar på Lundeneset vidaregåande skule har vore viktige ressurspersonar i konfirmantarbeidet.

4.3 Vigsler og gravferder

Det var 7 vigsler og 26 kyrkjelege gravferder i Ølen kyrkje gjennom 2015.

4.4 Arbeid ut frå felles visjon i soknet

Ølen sokn har eit rikt kristenliv. Kristent Fellesutval er eit organ for å drøfta, samordna og ha ansvar for fellestiltak ein blir samde om å satsa på i kyrkjelyden. Saman og kvar for oss er me reiskapar for å nå ut med evangeliet blant menneske i Ølen og Ølensvåg. Ølen sokneråd ser det som viktig at dette vert ei fruktbart mangfald, ikkje ein splitta lekam. Arbeidsutvalet i 2015 har vore samansett slik: *Lars Fjelltveit (Leiar Vågen bedehus)* *Jon Birger Wold (Leiar Kyrkjetunet)*, *Liv Ingunn Heie Medhaug (Leiar Ølen sokneråd)*, *representant for Håvard Brekkå, Lundeneset vidaregåande skule og leiar i Feedback.*

Det har vore to samarbeidsmøte i 2015.

4.5 Anna trusopplæringsarbeid

Trusopplæringsarbeidet viser noko av mangfaldet i soknet vårt. Mykje av dette verdifulle arbeidet vert drive av organisasjonane.

- 4.5.1 Søndagsskulen i Vågen har jamn oppslutning, med 42 medlemmer; 52 aktive.
- 4.5.2 Soknerådet er glad for det aktive arbeidet som vert gjort blant born med dåpshelsingar, 4-årsfasen, 6-årsfasen og Lys Vaken for 5.klassingar. Prosjektet "Babysong" er vidareført som tiltak for heile Vindafjord og har hatt god oppslutnad.
- 4.5.3 På bedehuset i Vågen og på Lundeneset vert det drive eit aktivt barnearbeid med Yngres (Indremisjonen) og gute- og jentelag (NLM).
- 4.5.4 Skulelaget har samling annankvar måndag på Vågen bedehus med 10 medlemmer, ca 8-10 er aktive.
- 4.5.6 Klubben på Kyrkjetunet har samlingar annakvar veke for gitar og jenter i 4.-7.klasse og har 30 medlemmer.
- 4.5.7 "Loftet" på Vågen bedehus har samling annakvar laurdag for ungdommar.

Oppmøtet er godt også her, ca 30 medlemmer (NLM). Før laurdagssamlingar er det KRIK med 5-6 aktive.

4.5.8

I «Feedback-huset» er det om fredagar ungdomsarbeid med ulike aktivitetar. Feedback har tenåringar og eldre som målgruppe og har ei kjernegruppe med ca 35 ungdommar frå ulike bygder i kommunen (Normisjon).

Det er risiko med å rekna opp aktivitetar, nokon kan vera gløynde. Dette arbeidet er svært viktig i det kontinuerlige trusopplæringsarbeidet. Det er eit ynskje at det kristne arbeidet som vert drive skal utfylle kvarandre og saman gje eit allsidig kristent tilbod til dei som veks opp i soknet. Soknerådet er takksame for alt arbeidet som vert drive i soknet, og vil minna kyrkjelyden om å be for arbeidet og dei som driv det.

4.6 Misjonsprosjekt

Avtale om nytt misjonsprosjekt i kyrkjelyden vart inngått 26.september 2010. Dette er eit misjonsprosjekt i Equador i regi av Misjonsalliansen; spesielt retta mot funksjonshemma barn og unge. Kyrkjelyden vert oppfordra til å be for misjonsprosjektet og støtta dette arbeidet økonomisk. Det har vore fleire ofringar til prosjektet.

4.7 Smågrupper, bønne- og bibelarbeid.

Det er fleire smågrupper, bibelgrupper og bønegrupper i soknet vårt som jamleg kjem saman. Misjonsforeiningane har og eit jamt arbeid, der bøn og offer til misjonen står sentralt. Her er både kvinneforeiningar og mannsforeiningar.

4.8 Kyrkjemusikk, konsertar og kulturarrangement

Det har vore utøvande musikarar med på gudstenester, noko som er ein rikdom for gudstenestefellesskapet.

4.9 Diakoni

Visjonen for den diakonale tenesta i Den Norske Kyrkja er: " Guds kjærleik til alle menneske og alt det skapte, verkeleggjort gjennom liv og teneste." Det vert drive viktig diakonalt arbeid gjennom arbeid blant barn, unge og vaksne i kyrkjelyden.

Diakoniutval 2015: Sigrid Henriksen og Sølvi Eide Lunde. Leiar: Sølvi Eide Lunde.

- 1: Det har vore 25 andaktar på omsorgssenteret i Ølen fordelt på båe etasjane. Diakoniutvalet hjelper eldre ved andaktane. Det har vore tre tenestegrupper. I tillegg har Bjoa hatt ansvar for tre av andaktane. Dessutan har det vore tre ekstra samlingar med song og musikk i regi av diakoniutvalet.
- 2: Jubilantane i kyrkjelyden som fyller 80, 90 eller 100 år får helsing frå kyrkjelyden. Dei som vert 90 og 100 år får blom med kort med bibelord og helsing frå kyrkjelyden. Dei som fyller 80 år får ei songbok med stor skrift. Diakoniutvalet har overrekt 11 personlege helsingar til jubilarar dette året: 6 blomar og 5 songbøker.
- 3: Dette året har det vore 8 torsdagstreff på Kyrkjetunet der eit var sommartur til Åkrafjordtunet, Etne. Treffa har 25- 40 frammøtte. Gunnvor Feed og Ingerid Aadland er leiarar for kvar sitt arbeidslag. Arbeidslaga består av 5 - 6 damer som har ansvar for torsdagstreffa annakvar gong. Samlingane har ei enkel form med mat, tid til prat og fellesskap, ord for dagen og felles song. Hyggetreff er erstatta med torsdagstreff då tidspunkt for torsdagstreff passa betre for målgruppa.

4.10 Kyrkjebladet "Hyrdingen"

Kyrkjebladet "Hyrdingen" har gjeve ut 6 nummer 2015. Bladet vert laga på dugnad som frivillig arbeid. Stoff vert samla inn frå kontaktpersonar i kvart sokn. Kyrkjebladet er eit viktig verktøy i arbeidet vårt. Det er verdifullt å få inn bidrag til bladet og innspel på kva som vert forventa av eit slikt blad. Bladet treng gåver og "bladpengar" for å bera seg økonomisk. Adressa til Hyrdingen er **redaksjonen @ hyrdingen.no**

4.11 Økonomi

	2010	2011	2012	2013	2014	2015
Årsrekneskapan sitt overskot/ underskot (-)	-21746	-11550	-35577	-32738	-62588	-50293
Driftsutgifter utanom overf. av offer til lag og org.	182284	137665	117065	143657	138089	229414
Inntekter arrangement	0	3895	0	1000	0	0
Offer i alt	150979	139 016	134213	136288	122241	118680
Offer til kyrkjelyden sitt eige arbeid	30421	30 846	17904	22969	27880	29421
Offer til kyrkjelyden sitt misjonsprosjekt	8062	24991	16111	13199		11298
Fasteaksjonen "Brød for verden", konfirmantar	40703	24 020	26516	26953	33266	36497
Overskot Tripp Trapp - til bunde fond	5656	0	0	¹⁾		
Kyrkjelydspedagog, offer			15655	10725		1938
Kyrkjelydspedagog, gjevarteneste			25600	42200	32150	

1) Bunde fond- Tripp Trapp, omdisponert til trusopplæring.

Rekneskapan vert revidert av den kommunale revisjonen.

5. Strategiarbeid

5.1 Strategiplan for lokalkyrkja i Vindafjord

Det er laga "Strategiplan" for Vindafjordkyrkja som gjeld for 2011- 2015. Planen skal vera eit verktøy i arbeidet med trusopplæring, diakoniarbeid, gudstenesteutvikling, kyrkjebygg, kyrkjegardar og samarbeid om stillingsheimlar i fellesområdet.

12.november 2013 var det samarbeidsmøte mellom Fellesrådet og representantar frå kvart sokneråd i Vindafjord fellesområde. Det vart nedsett ein strukturkomité med ein representant frå kvart sokneråd som skulle utgreia mogeleg ny soknestruktur i Vindafjord fellesområde. Ølen sokneråd sin representant var Per Ølfarnes, med Ove Eidsheim som vararepresentant. Søknad om prøveordning med felles sokneråd for Ølen og Bjoa vart sendt til Departementet før jul 2014.

Departementet godkjende i 2015 prøveordning for felles sokneråd for sokna Ølen og Bjoa. Valet i september vart difor organisert slik at det vart vald tre medlemmer frå Bjoa sokn og fem medlemmer frå Ølen sokn til eit felles sokneråd.

Midtvegs i valperioden skal det vurderast om det skal søkjast om å slå saman desse to sokna.

5.2 Trusopplæring

Trusopplæringa skal bidra til ei systematisk og samanhengande trusopplæring som vekker og styrker kristen tru, gjev kjennskap til den treeinige Gud, bidreg til kristen livstolking og livsmeistring og utfordrar til engasjement og deltaking i kyrkje og samfunnsliv. Målgruppa er alle døypte i alderen 0-18 år, uavhengig av funksjonsevne. "GUD GIR- VI DELER" er sett som overskrift på planen for trusopplæring. Vindafjordkyrkjene fekk våren 2014 statlege midlar til trusopplæring. Felles utval for trusopplæring i Vindafjord, FUT, har gjort ein stor og solid jobb for å planleggja for tiltak. Fellesrådet er arbeidsgjevar. Statlege midlar er no på plass. Det er tilsett medarbeidarar i trusopplæringsarbeidet, der kateket Britt Karstensen er leiar. Ølen sokn har mange tiltak knytt til trusopplæring. Det er viktig å samarbeida om, og utvikla desse vidare.

6. Samarbeidet med kommunen

Kyrkja har eit nært og godt samarbeid med kommunen. Strategiplanen skal danna grunnlag for vidare arbeid i eige sokn og felles prioriteringar på tvers av sokna i kommunen. Etter kyrkjelova har kommunen eit ansvar for økonomien som trengst til å driva kyrkjene i kommunen. Politikarar og tilsette i kommunen får ros for viljen til å ta vare på kyrkja som ein viktig verdiberar i kommunen. Det er fellestrådet som har ansvaret for kommunikasjon og samhandling med kommunen sine organ.

7. Avslutning

Soknerådet vil gjera merksam på at ei slik årsmelding ikkje gjev eit fullstendig oversyn over all aktivitet i kyrkjelyden, men det er vårt ynskje at meldinga gjev eit godt oversyn. Me vil og vise til årsmeldingane til dei ulike arbeidsgreiner som driv arbeid i soknet vårt.

Kvar enkelt som er motivert og brenn for evangeliet er viktig; både i forbønsarbeid, gjevarteneste og i eit mangfald av ulike arbeidsoppgåver. I tenesta og fellesskapet er den einskilde del av Guds evige frelsesplan.

1. Tess 5,23-24

Må han sjølv, fredens Gud, helga dykk heilt igjennom. Og gjev at dykkar ånd og sjel og kropp må haldast uskadde, så de kan vera ulastelege når vår Herre Jesus Kristus kjem! Trufast er han som kallar dykk til dette. Han skal òg fullføra det.

Takk for samarbeid og fellesskap gjennom 2015!

Guds signing i arbeidet vidare!

Ølensvåg, 13.mars 2015

For Ølen sokneråd

Per Ølfarnes

Soknerådsleiar